

Muštâl tuu uáivil poccuin já puásuituálust

Eennâm- já meccituáluministeriö lii lekkâm puohháid ávus viermikojjádállâm, main noreh aalmugjesânij macáttâs já uáinuid puásuituálust. Kojjádállâm lii ávus roovvâdmáánu 2017 loopâ räi.

Puásuituálust láá lamaš majemui iheluvij ääigi merhâsittee nubástusah nuuvt kuáttumpirrâsijn ko meid toimávuovijn, já ministeriö haalijd tääl tutkámuštiäđu lasseen karttiđ aalmugjesânij uáinuid já uáivilijđ, moh lahtojeh puásuituálu.

Viermikojjádálmist aalmugjesâneh pyehtih muštáliđ uáivilijdis puásuituálust. Ulmen lii finniđ čielgâsin, ete magarijđ hástusijđ já máhđulâšvuodáid västideijeeh uáinuh puásuituálust, já moos kulij puásuituálu já ministeriö toimávuovijđ, moh kyeskih puásuituálu, kolgâččii puátteevuodást stivriđ. Ministeriö almostit kojjádállâm válđuášálijđ puátusijđ talle ko viermikojjádállâm čuákánkiäsu lii valmâstum.

Siiđdost www.mmm.fi/porokysely2017 almostittum kojjádállâm lii ávus roovvâdmáánu 2017 loopâ räi já toos tuáivuh västádâsáid aalmugjesânij pírâ Suomâ.

Puásuituálu stivrim kulá Suomâst eennâm- já meccituáluministeriö haldáttâhsuárgán. Puásuituálu härjutteh Laapi, Tave-Poodâeennâm já Kainuu eennâmkuudijn ohtsis 122 936 neljihâskilomeetter vijđosii puásuituáluávlust. Tot lii merhâsittee iäláttâs suulân tuhháat päikkituálu.

Kojjádálmân puáhtá uásálistiđ meid poostâ peht. Rijjáhámásii macáttâs puáhtá vuolgáttiđ čujottâsân

Maa- ja metsätalousministeriö
Kirjaamo
Porotalous, vuoden 2017 kysely
PL 30, 00023 VALTIONEUVOSTO

Lasetiäđuh:
Ráđdádállee virgealmai Tapani Sirviö, 050-4316077